

# TSWVYIM LOS NTAWM VAJ NTSUJPLIG

## Spiritual Gifts

---

Zajqhia 1 - 1 Kaulithaus 12:1-11

### **Tswvyim Ntawm Vaj Ntsujplig Tsis Yog Yam Uas Peb Thov Tau**

Txhua tus neeg uas Vajtswv tso los yug rau lub ntiajteb no Vajtswv yeej pub kom nws muaj ib lub tswvyim nws thiaj khwv tau noj tau haus. Lus Askiv muab lub tswvyim no hu ua natural talents. Tabsis thaum Vajtswv xav txib ib tug neeg ua ib yam dabtsi rau Nws, Nws muaj peevxwm pub tswvyim tshwjxeb rau tus ntawd kom ua tau tej yam uas nws ibtxwm yeej tsis txawj (Khiavdim 31:1-12). Nyob rau tiam no, tomqab peb los ntseeg Vajtswv lawm, Vaj Ntsujplig tus Dawbhuv pub peb nyias muaj nyias tswvyim los sib pab ua Vajtswv lub luag haujlwm.

Lo lus Askiv Spiritual Gifts yog txhais los ntawm lo lus Kilis Charisma. Tabsis tiag-tiag mas lo lus ntawd txhais hais tias Spirit Giftedness lossis lub tswvyim uas Ntsujplig muab.

Peb yuav kawm ntau nqe Vajlus kub Tshiab thiab Vajlus kub Qub uas hais txog tej tswvyim uas Vaj Ntsujplig muab. Hnub no peb yuav pib kawm hauv 1 Kaulithaus 12:1-11. Koj siv sijhawm nyeem kom tag uantej koj teb cov lus nug nram qab no.

1. Nqe 1-3. Thaum tsis tau los ntseeg Vajtswv peb ntseeg tej mlom uas twb tsis txawj hais lus. Tabsis nimno peb los ntseeg Vajtswv lawm

leejtwg yog tus qhia peb hais tias Yexus yog Vajtswv?

---

2. Nqe 4-6. Peb pheed qhuas cov neeg uas muaj tswvyim, txawj ua yam ub yam no, thiab ua tau tej txujci uas tseemceeb. Tabsis tsimnyog peb qhuas leejtwg, thiab yog uacas thiaj tsimnyog peb qhuas Nws?
- 
- 
- 

3. Nqe 7. Lub homphiaj uas Vajtswv muab tej tswvyim ntawd rau peb yog dabtsi?
- 

4. Nqe 8-10. Teev tagnrho 9 yam tswvyim uas Vajtswv tus Ntsujplig muab pub rau cov ntseeg tiam no:

- (1) \_\_\_\_\_
- (2) \_\_\_\_\_
- (3) \_\_\_\_\_
- (4) \_\_\_\_\_
- (5) \_\_\_\_\_
- (6) \_\_\_\_\_
- (7) \_\_\_\_\_
- (8) \_\_\_\_\_
- (9) \_\_\_\_\_

5. Tagrho cov tswvyim uas Vaj Ntsujplig muab rau cov ntseeg no, koj paub tias koj tau txais lub tswvyim twg thiab yog uacas koj thiaj ntseeg li ntawd?

---

---

---

---

6. Tagrho ntawm 9 lub tswvyim no, koj ntshaw lossis xav kom tau lub tswvyim twg tshaj? Yog uacas?

---

---

---

7. Nqe 11. Yog uacas peb ho tsis tau lub tswvyim uas peb ntshaw?

---

---

Nyob rau hauv 1 Kaulithaus 12:1-11 no mas muaj ob yam tseem-  
ceeb tshajplaws uas peb yuavtsum tau nco cia. Qhov ib yog nyob  
ntawm nqe 7. Txawm Vajtswv muab ib lub tswvyim rau yus los tsis  
yog muab los rau yus khavtxiv, khavtheeb, thiab txobthuam lwm tus  
uas tsis tau txais lub tswvyim ntawd. Tabsis lub tswvyim uas Vaj  
Ntsujplig muab rau yus yog kom yus siv pab lwm tus. Qhov ob yog  
nyob rau ntawm nqe 11. Vaj Ntsujplig yog tus txiav txim siab hais  
tias yuav muab lub tswvyim twg rau yus. Yam Nws txiav txim siab  
tsis muab rau yus ces txawm yus thov npaum twg los yeej tsis tau.  
Tabsis yam Nws muab rau yus lawm, tsis txhob txajmuag siv. Yus  
yeem siv ces yeem txawj xwb. Txawm yus tau lub tswvyim twg los  
puavleej yog Vaj Ntsujplig muab, yogli, txhob nkim lub tswvyim  
ntawd.